



**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA TEŠANJ
OPĆINSKI NAČELNIK**

Broj: 08-34-1-3978/19

Datum: 3.12.2019. godine

Na osnovu člana 8. Zakona o ministarskim, vladinim i drugim imenovanjima Federacije Bosne i Hercegovine („Službene novine Federacije BiH“, broj 12/03, 34/03 i 65/13), člana 33. stav 2. i 3. i 35. Zakona o pravobranilaštvu („Službene novine Zeničko-dobojskog kantona“ broj 12/13) i člana 30. Statuta Općine Tešanj („Službeni glasnik Općine Tešanj“ broj 11/07) Općinski načelnik objavljuje

**JAVNI KONKURS
za imenovanje Općinskog pravobranioca Općine Tešanj**

Naziv pozicije

- Općinski pravobranilac Općine Tešanj jedan (1) izvršilac, na period od četiri godine.

Opis poslova:

Poslovi i zadaci Općinskog pravobranioca su da:

rukovodi radom pravobranilaštva, stara se da svi poslovi i radni zadaci obavljaju zakonito, stručno i blagovremeno; predstavlja pravobranilaštvo pred drugim organima i organizacijama; preduzima mjere za unapređenje organizacije rada općinskog pravobranilaštva; učestvuje u radu u svim predmetima u općinskom pravobranilaštvu; izrađuje godišnji izvještaj o radu općinskog pravobranilaštva, te radi na drugim analizama, informacijama i izvještajima; donosi pravilnik o unutrašnjoj organizaciji, te učestvuje u donošenju ostalih normativnih akata općinskog pravobranilaštva; daje pravna mišljenja u postupku donošenja općih akata kojima se uređuju imovinsko-pravni odnosi, prava i obaveze prema stvarima u vlasništvu općine Tešanj; zastupa Općinu Tešanj pred stranim sudovima, arbitražama i drugim stranim organima i organizacijama ako Općinski načelnik ne odluči drugačije; obavlja i druge poslove i zadatke za koje je ovlašten prema zakonu o pravobranilaštvu.

Opći uslovi

Kandidat je dužan ispuniti sljedeće uslove:

- da je državljanin Bosne i Hercegovine,
- da nije otpušten iz državne službe kao rezultat disciplinske mjere na bilo kojem nivou u Bosni i Hercegovini u periodu od tri godine prije dana objavljivanja upražnjene pozicije,
- da se na njega ne odnose odredbe člana IX. 1 Ustava Bosne i Hercegovine,
- da nije „kandidat koji se ne kvalifikuju“ iz člana 5. Zakona o ministarskim, vladinim i drugim imenovanjima FBiH (Službene novine FBiH“ broj 12/03 i 34/03),
- da nije osuđivan za krivično djelo koje po zakonu predstavlja smetnju za imenovanje na predmetnu poziciju.

Posebni uslovi

Svi kandidati su dužni ispuniti posebne uvjete:

- VSS - VII stepen stručne spreme, diploma visokog obrazovanja, odnosno prvog (najmanje 240 ECTS bodova), drugog ili trećeg ciklusa Bolonjskog sistema studiranja, pravne struke;
- položen pravosudni ispit;
- najmanje 4 (četiri) godine radnog iskustva nakon položenog pravosudnog ispita na pravnim poslovima u pravobranilaštvu, pravosudnim organima i drugim državnim organima, preduzećima (društvima) i drugim pravnim osobama.

Kandidati su dužni priložiti (original ili ovjerenu kopiju):

1. prijavu, biografiju, adresu i kontakt telefon,
2. uvjerenje o državljanstvu;
3. diplomu o završenom fakultetu,
4. dokaz o položenom pravosudnom ispitu,
5. dokaz o radnom iskustvu (uvjerenje ili potvrda poslodavca, potvrda ili uvjerenje Porezne uprave),
6. ovjerenu izjavu da nije otpušten/a iz državne službe na bilo kojem nivou u Bosni i Hercegovini kao rezultat disciplinske mjere u periodu od tri godine prije objavljivanja javnog konkursa; ovjerenu izjavu da nije obuhvaćen/a članom IX. 1 Ustava BiH; ovjerenu izjavu da nije obuhvaćen članom 5. Zakona o ministarskim, vladinim i drugim imenovanjima FBiH (prilog broj 1 javnog konkursa).

Sa kandidatima koji budu ispunjavali sve potrebne uslove obaviti će se intervju.

Kandidati su prilikom dolaska na intervju dužni dostaviti izjavu o mogućem sukobu interesa (prilog broj 2 javnog konkursa).

Kandidat koji bude izabran na mjesto Općinskog pravobranioca dužan je u roku od 8 (osam) dana dostaviti sljedeće dokumente (ne starije od 3 mjeseca), i to: uvjerenje o radnoj sposobnosti; dokaz o ne kažnjavanju i uvjerenje o državljanstvu.

Javni konkurs će se objaviti u „Službenim novinama Federacije BiH“, dnevnom listu „Oslobođenje“ i web stranici Općine Tešanj.

Prijavu na konkurs, odnosno sve tražene dokumente potrebno je dostaviti u roku od 15 dana od dana zadnje objave javnog konkursa, na adresu:

Općina Tešanj, Trg Alije Izetbegovića 1, 74260 Tešanj, sa naznakom: „Prijava na javni konkurs za imenovanje Općinskog pravobranioca Općine Tešanj“.

Nepotpune, neblagovremene i neuredne prijave neće se uzeti u razmatranje.

Dostavljeno:

1. Web stranica Općine Tešanj
2. Arhiva

OPĆINSKI NAČELNIK



mr. sc. Suad Huskić

